

“দশবর্ষ পরে”

অতুল

আজি হোতে দশ বর্ষ পরে

কোথায় রহিব আমি কা'র স্বার্থ তরে

কে বলিতে পারে ?

স্নেহময় পিতামাতা,

আদরের ভগ্নি ভ্রাতা,

কে কোথায় রহিবে সেদিন ?

তমু অণু হ'তে পারে ক্ষীণ !

মনের শতেক আশা

লুপ্ত হ'য়ে যেতে পারে,

মনের গোপন ভাষা তখন বলিব কা'রে ।

এ' দিন তো রহিবে না, হায় !

নিতে পারি ধরা হ'তে চির সে'বিদায় ।

জানিনা সুখের আলো জ্বলিবে না নিভে যাবে !

জানিনা দুখের ভাগি এ জগতে কেবা হবে !

বড়দের ভালবাসা ছোটদের ভক্তিতানি

পাব কিনা এ জীবনে সে আভাস নাহি জানি ।

সে এক অজানা পথে

অচেনা জীবন রথে—

চলিয়াছি পাগলের প্রায় ।

আশা শুধু শক্তি দিখে যায় ।

পূজিব চরণ তব আমার জীবন ভরে

এ আশা কি রহিবেনা নিভে যাবে ক্ষণ পরে ।

সকলি অজ্ঞাত মোর, হে ভাবি বরষ

এ আশাকি ভেঙ্গে দেবে তব সে পরশ ।